



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XV

BROJ: 243

DATUM: 02.07.2018.GODINE



Usluge Saveza

PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

Sadržaj biltena:

- | | |
|---|---|
| Informacija sa Pete sjednice
Predsjedništva Skupštine Saveza | 1 |
| Održan sastanak Mreže praktičara za
upravljanje lokalnim razvojem | 2 |
| Direktorica Saveza općina i gradova
FBiH na predstavljanju izvještaja o
nalazima zajedničke komisije za
lokalne vlasti | 3 |
| Savez općina i gradova FBiH provodi
novi krug obuka za vijećnike u
partnerskim ReLOaD općinama/
gradovima | 3 |
| Objavljen javni poziv: Općina
Bosanska Krupa (su)finansira projekte
mladih | 4 |
| Javni poziv za javni uvid i javnu
raspravu o nacrtu "Prostornog plana
Unsko-sanskog kantona za period od
20 godina" | 6 |
| U Ključu danas potpisani vrijedni
ugovori za infrastrukturne projekte u
mjesnim zajednicama Humići i Velagići
te Biljani i Ključ (21.6.18) | 5 |
| Objavljen Javni poziv za dodjelu
finansijskih sredstava iz Budžeta
Grada Tuzla neprofitnim
organizacijama | 5 |
| Predsjedavajući Skupštine ZDK Jasmin
Duvnjak u posjeti općini Maglaj | 6 |
| Trening u Japanu "Upravljanje
kanalizacijskim i gradskim odvodom" | 6 |
| Najava obilježavanja dana općina i
gradova za mjesec juni/ lipanj | 7 |

Bilten Saveza općina i gradova Federacije Bosne i Hercegovine

ODRŽANA PETA SJEDNICA PREDSJEDNIŠTVA SKUPŠTINE SAVEZA OPĆINA I GRADOVA FEDERACIJE BOSNE I HERCEGOVINE

26.06.2018. godine u Čitluku je održana Peta sjednica Predsjedništva Skupštine Saveza općina i gradova Federacije Bosne i Hercegovine.

Zbog trenutne aktuelne situacije u vezi sa migrantskom krizom u Bosni i Hercegovini, sjednici je prisustvovao Dragan Mektić, ministar sigurnosti Bosne i Hercegovine koji je upoznao članove Predsjedništva Saveza o poduzetim aktivnostima Ministarstva sigurnosti



Sa 5. sjednice Predsjedništva Skupštine Saveza

povodom ovog pitanja istakavši da je problem migranata od izuzetnog značaja za lokalne zajednice jer one nose teret ove krize.

Ministar Dragan Mektić je istakao da je fokus stavljen na dva aspekta, i to zaštitu i jačanje granica Bosne i Hercegovine i humanitarni aspekt migrantske krize. Naglasio je da će u skorije vrijeme biti uspostavljena dva prihvatna centra za migrante, jedan u okolini Sarajeva (Hadžići) i drugi u Velikoj Kladuši. Takođe je naglasio problem ilegalnih migranata u našoj zemlji.

Nakon izlaganja prisutnih o aktuelnim pitanjima vezanim za migrantsku krizu, Predsjedništvo Saveza je usvojilo sljedeće zaključke:

- Predsjedništvo Saveza gleda na migrantsku krizu kao na fakt i stvarni problem sa čijim rješavanjem se ne mogu nositi same lokalne zajednice na koje je pao ovaj teret;
- Teret rješavanja krize se mora podijeliti počev od državnog nivoa, preko Federacije BiH, zatim vlada kantona i lokalnih zajednica, a što takođe mora pratiti i aspekt finansiranja;
- Rješenja koje se iznađu ne smiju bitno remetiti uslove života stanovništva lokalnih zajednica;
- U najskorije vrijeme ponovo održati sastanak na ovu temu u proširenom sastavu (sa ministricom za ljudska prava i izbjeglice Bosne i Hercegovine i premijerom Federacije Bosne i Hercegovine, a u cilju daljeg rješavanja problema migranata.

Na ovoj sjednici je, između ostalog, razmatran i prihvaćen izvještaj sa zajedničke sjednice komisija Saveza i to: Komisije za ustavna i zakonodavna pitanja, Komisije za razvoj i unapređenje lokalne samouprave, Komisije za ekonomski razvoj općina i gradova i finasije i Komisije za imovinska pitanja, prostorno uređenje, stambeno-komunalne djelatnosti i zaštitu životnog okoliša, a koje su razmatrale vrlo značajne teme kao što su: Zakon o koncesijama, zatim potreba usaglašavanja propisa o građevinskom zemljištu sa Zakonom o stvarnim pravima, informacija o podzakonskim aktima vezanim za Zakon o razvojnom planiranju i upravljanju razvojem u Federaciji BiH i dr.



Sa 5. sjednice Predsjedništva Skupštine Saveza

Članovi Predsjedništva Saveza su takođe informisani o aktivnostima Saveza na različitim projektima kao što su: Projekat „Jačanje kapaciteta saveza općina i gradova u Bosni i Hercegovini“, Projekat integriranog lokalnog razvoja – ILDP, Projekat ReLOad, Projekat „Jačanje uloge mjesnih zajednica“.

Predsjedništvo Saveza je, na traženje Federalne uprave za geodetske i imovinsko-pravne poslove, imenovalo dva predstavnika Saveza u Radnu grupu čiji je zadatak usklađivanje propisa iz oblasti građevinskog

zemljišta sa Zakonom o stvarnim pravima.

Na ovoj sjednici su prezentirane i informacije o predstavljanju Izvještaja Zajedničke komisije za lokalne vlasti, puštanju u rad web portala „Javna prezentacija podataka registra cijena nekretnina Federacije Bosne i Hercegovine“, kao i informacije o drugim aktivnostima Saveza vezanim za učešće predstavnika Saveza na skupovima od značaja za lokalnu samoupravu.

ODRŽAN SASTANAK MREŽE PRAKTIČARA ZA UPRAVLJANJE LOKALNIM RAZVOJEM

U Sarajevu je 19.06.2018. godine održan sastanak Mreže praktičara za upravljanje lokalnim razvojem.

U uvodnom obraćanju, direktor Saveza, g-đa Vesna Travljanin je izvijestila prisutne o poduzetim aktivnostima Saveza u oblasti upravljanja lokalnim razvojem, kao i budućim aktivnostima Saveza, naglašavajući važnost rada ove Mreže i međusobne saradnje između jedinica lokalne samouprave i Saveza.

Centralna tema sastanka bila je informacija o predstojećim uredbama iz Zakona o razvojnom planiranju (ključne novine u odnosu na postojeći regulatorni okvir i metodološke pristupe u JLS, praktični aspekti i dileme), a koje je predstavio g-din Nijaz Avdukuć, pomoćnik direktora Federalnog zavoda za planiranje razvoja. Kroz dvosatnu diskusiju prisutni članovi Mreže su imali priliku da čuju koje su to novine u oblasti razvojnog planiranja, kao i buduće obaveze jedinica lokalne samouprave, te da daju sugestije i komentare. Kroz prezentacije, g-din Miroslav Lucić, predstavnik interkomisijske Radne grupe Saveza i g-đa Šejla Hasić su predstavili aktivnosti vezane za prikupljanje informacija o vanjskim izvorima finansiranja lokalni razvojnih prioriteta te uloga JLS i Stručne službe Saveza u procesu prenošenja relevantnih informacija koje se objavljuju na web stranici i društvenim mrežama, kao i drugim vidovima međusobne komunikacije. Zadnji dio sastanka je bio posvećen odabiru Koordinatora i zamjenika Koordinatora Mreže. Za Koordinatora mreže izabrana je g-đa Umihana Krličević-Omerović (Općina Doboj-Jug), a za zamjenike Mreže izabrani su g-đa Jelena Senta (Općina Ravno) i g-din Dženan Mulahasanović (Općina Jablanica).



Sa sastanka Mreže praktičara za upravljanje lokalnim razvojem





DIREKTORICA SAVEZA OPĆINA I GRADOVA FBiH NA PREDSTAVLJANJU IZVJEŠTAJA O NALAZIMA ZAJEDNIČKE KOMISIJE ZA LOKALNE VLASTI



Sa Zajedničke komisije za lokalne vlasti

U organizaciji Ureda specijalnog predstavnika Evropske Unije u BiH, zajedno sa USAID - om i Ambasadom Švajcarske, u Sarajevu je 06.06.2018. godine predstavljen Izvještaj o nalazima Zajedničke komisije za lokalne vlasti. Kroz izvještaj su predstavljeni zaključci inicijative za lokalne vlasti sa akcentom na oblast raspodjele javnih prihoda i pitanja načina finansiranja lokalnih vlasti.

Savez općina i gradova FBiH je ostvario saradnju sa Uredom specijalnog predstavnika Evropske Unije u BiH tokom pripreme ovog izvještaja. Tom prilikom naglašene su teme i pitanja koje su od iznimnog značaja za lokalne zajednice, a kao što su raspodjela javnih prihoda, korištenje i upravljanje prirodnim resursima, odnosi i saradnja sa višim nivoima vlasti.

Direktorica Saveza, Vesna Travljanin se obratila prisutnima, te istakla da je vrlo značajno što su pravci djelovanja i ciljevi Saveza zacrtani Strategijom razvoja Saveza za period 2015. - 2022. godina komplementarni sa nalazima Zajedničke komisije.



SAVEZ OPĆINA I GRADOVA FBiH PROVODI NOVI KRUG OBUKA ZA VIJEĆNIKE U PARTNERSKIM ReLOaD OPĆINAMA/GRADOVIMA

Savez općina i gradova Federacije Bosne i Hercegovine u okviru projekta „Podrška razvoju uslužno orijentisane lokalne samouprave u Federaciji Bosne i Hercegovine“, tokom juna/lipnja i jula/srpnja mjeseca ove godine organizira obuke na temu: **„Uključenje građana i organizacija civilnog društva u procese donošenja odluka na lokalnom nivou“**. Obuke su provedene u partnerskim općinama i gradovima u projektu ReLOaD, i to: Vitez (20.06.2018.), Jablanica i Vogošća (21.06.2018.) i Tuzla (25.06.2018.). Obuke će se održati još u općinama: Travnik (4.07.2018.) i Kakanj (5.07.2018.), te Centar Sarajevo, Gradačac, Stari Grad Sarajevo, Tešanj i Maglaj.



Sa obuke za vijećnike u Jablanici

Cilj obuke je upoznati vijećnike sa važnošću, prednostima i oblicima građanskog učešća u donošenju odluka na lokalnom nivou. Polaznici su imali priliku da se upoznaju sa primjerima iz prakse kada je riječ o učešću građana i OCD u donošenju odluka, sa posebnim akcentom na mogućnosti ranog uključivanja u ove procese. Modul obuke je pripremljen u okviru Regionalnog programa lokalne demokratije na Zapadnom Balkanu (ReLOaD) koji finansira Evropska unija (EU) a sprovodi Razvojni program Ujedinjenih nacija (UNDP). Aktivnosti projekta „Podrška razvoju uslužno orijentisane lokalne samouprave u Federaciji Bosne i Hercegovine“ naslanjaju se na projekat ReLOaD.



OBJAVLJEN JAVNI POZIV: Općina Bosanska Krupa (su)finansira projekte

Općina Bosanska Krupa poziva sve omladinske organizacije, fondacije i neformalne grupe mladih da kandiduju programe i projekte koje žele da se (su)finansiraju iz granta za mlade. Javni poziv je otvoren do 6. jula 2018. godine (petak).

Osnovni cilj je podržati projekte mladih u različitim oblastima djelovanja: ekologija, kultura, sport, društveni život, obrazovanje, socijalna zaštita, infrastruktura i dr.

Pravo učešća na ovom javnom pozivu imaju omladinska udruženja sa sjedištem na području općine Bosanska Krupa; fondacije koje rade za mlade; neformalne grupe mladih sa područja općine Bosanska Krupa koje imaju podršku udruženja i fondacija registriranih u Bosni i Hercegovini.

Maksimalan iznos sredstava za (su)finansiranje projekta iznosi 1.500,00 KM, a maksimalan iznos koji može dobiti jedno udruženje, fondacija i grupa iznosi 2.000,00 KM.

Omladinska udruženja koja su učestvovala na pozivu za (su)finansiranje projekata NVO sredstvima budžeta općine Bosanska Krupa za 2018. godinu i koja se nalaze na utvrđenoj rang listi, ne mogu ostvariti pravo na dodjelu sredstava po ovom javnom pozivu.

Nakon donošenja zaključka o raspodjeli sredstava, općinski načelnik sa aplikantima zaključuje ugovor koji sadrži prava, obaveze i odgovornosti, način praćenja provođenja odobrenog projekta, način praćenja namjenskog trošenja sredstava, te elemente narativnog i finansijskog izvještavanja o provođenju projekta.

Sredstva će biti doznačena nakon potpisivanja ugovora, jednokratno ili u ratama, u skladu s prilivom budžetskih sredstava Općine Bosanska Krupa.

Javni poziv koji osim ovih informacija sadrži spisak neophodne i popratne dokumentacije, kriterije, te način apliciranja kao i prijavni obrazac dostupni su i na stranici Općine Bosanska Krupa pod ovim [linkom](#).

Sve dodatne informacije mogu se dobiti kod stručnog saradnika za rad s mladima i nevladinim organizacijama, lično, putem telefona (+387 37 961 460) ili mail-a: kaja-87@hotmail.com (Preuzeto sa www.opcinabosanskakrupa.ba)


KORISNI LINKOVI ZA
PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Javni poziv za javni uvid i javnu raspravu o nacrtu "Prostornog plana Unsko-sanskog kantona za period od 20 godina"

Jani uvid u Nacrt "Prostornog plana Unsko-sanskog kantona za period od 20 godina" u trajanju od 90 dana, održat će se u periodu od 04.06. do 04.09.2018. godine u prostorijama Ministarstva za građenje, prostorno uređenje i zaštitu okoliša, Alije Đerzeleza broj 6, 77000 Bihać na trećem spratu, kancelarija broj 30, svakim radnim danom od 8:00 do 15:00 sati.

(Preuzeto sa www.opcinabosanskakrupa.ba)



Grb USK



U Ključu danas potpisani vrijedni ugovori za infrastrukturne projekte u mjesnim zajednicama Humići i Velagići te Biljani i Ključ



Sa potpisivanja vrijednih ugovora za Ključ

Danas je Ključ posjetio Federalni ministar za raseljene osobe i izbjeglice gospodin Edin Ramić, zatim Federalni ministar poljoprivrede, vodoprivrede i šumarstva, gospodin Šemsudin Dedić, Premijer USK-a gospodin Husein Rošić, Federalni zastupnik u Parlamentu Federacije BiH gospodin Asim Kamber, načelnik Sanskog Mosta, gospodin Faris Hasanbegović, Savjetnik Premijera USK-a gospodin Jasmin Musić te šefovi općinskih službi i predsjednik Kluba SDA gospodin Suad Karat. Svrha posjete je potpisivanje vrijednih Ugovora za Ključ i Sanski Most.

U mjesnoj zajednici Biljani su potpisani Ugovori za implementaciju projekata

za izgradnju Muzeja poginulim građanima MZ Biljani te dovršetak rekonstrukcije kuće Medžlisa Islamske zajednice pored džamije u Ključu. Potpisnik ispred Medžlisa Islamske zajednice Ključ je bio Ismet Omanović, a oba projekta su u vrijednostima od po 50.000,00 KM.

Općinski načelnik Nedžad Zukanović je sa Federalnim ministarstvom za raseljene osobe i izbjeglice odnosno ministrom Edinom Ramićem danas u zgradi općine potpisao Ugovore za rekonstrukciju puta Ključ-Humići (od pilane do sklopa) čija vrijednost iznosi 35.000,00 KM, dok drugi projekt se odnosi na rekonstrukciju Stare ceste u MZ Velagići čija ukupna vrijednost iznosi 40.000,00 KM.

Ovo su veoma vrijedni projekti za našu mladu općinu i njene građane i svaki od njih je za nas veliki uspjeh, jer doprinosi poboljšanju uslova života naših građana, istakao je načelnik Zukanović. Federalni ministri Edin Ramić i Šemsudin Dedić su ovom prilikom istakli da će podržavati projekte općina Ključ i Sanski Most na koje ove općine apliciraju, jer Krajina nije zapostavljena kako to neki ističu. Svoju podršku projektima i već dobro uspostavljenoj međuopćinskoj saradnji Ključa i Sanskog Mosta dao je i Federalni zastupnik Asim Kamber. Istaknuto je da se zajedničkim radom može mnogo toga napraviti za građane ovih općina.

Bitno je napomenuti da je nekoliko projekata za općinu Ključ spremno za implementaciju kao što je adaptacija puta Zgon-Crljeni, zatim rekonstrukcija gradskog mosta na rijeci Sani te izgradnja treće trake na Laništu gdje je ukupna vrijednost preko dva miliona maraka.

Primjer dobre međuopćinske saradnje i sa predstavnicima Federalne vlade, Premijerom kantona i Federalnim zastupnicima se ogleda u uzajamnom poštovanju i razumijevanju, a upravo potpisivanjem Ugovora za općine Ključ i Sanski Most danas u Ključu to je i potvrđeno.

(preuzeto sa www.opcina-kljuc.ba 21.6.2018)

Objavljen Javni poziv za dodjelu finansijskih sredstava iz Budžeta Grada Tuzla neprofitnim organizacijama

Predmet ovog Javnog poziva je dodjela finansijskih sredstava iz Budžeta Grada Tuzla za podršku projekata neprofitnih organizacija koji se realizuju u prioritetnim oblastima određenim važećim strateškim dokumentima Grada Tuzla. Dodjela finansijskih sredstava se vrši prema usvojenj LOD metodologiji. Grad Tuzla putem Službe za ekonomski razvoj i društvene djelatnosti poziva sve neprofitne organizacije iz Bosne i Hercegovine koje će svoje projektne aktivnosti realizovati na području Grada Tuzla i u interesu građana Tuzle da dostave prijedloge projekata koji su u skladu sa razvojnim ciljevima grada Tuzla iz sljedećih prioritetnih oblasti:

- Socijalna zaštita
- Ljudska prava
- Ravnopravnost spolova
- Ekologija
- Kulturno-historijsko i prirodno naslijeđe
- Sport

Više informacija na (<http://grad.tuzla.ba/vijesti/>)



Grb Općine Ključ



Grb Tuzla

Predsjedavajući Skupštine ZDK Jasmin Duvnjak u posjeti općini Maglaj

Danas je predsjedavajući Skupštine Zeničko-dobojskog kantona Jasmin Duvnjak bio u posjeti općini Maglaj u sklopu redovnih programskih aktivnosti obilaska općina ovog kantona.

Na sastanku sa predsjedavajućom Općinskog vijeća Svjetlanom Zamboni, dopredsjedavajućim Hajrudinom Ferićem, članovima Kolegija i Općinskim načelnikom Mirsadom Mahmutagićem razgovarali su o stanju u Maglaju, o svim aktuelnim ekonomskim i političkim pitanjima, te problemima. Također, razgovarali su i o određenim projektnim aktivnostima koji se vode u općini s ciljem unapređenja života svih građana, ali i o unapređenju saradnje i komunikacije između kantona i općina.



Predsjedavajući Skupštine ZDK u općini Maglaj

Predsjedavajući Skupštine Zeničko-dobojskog kantona Jasmin Duvnjak smatra da se sve institucije trebaju boriti za interese građana i da im to bude prioritetna obaveza.

„Istakao bih potrebu da unapređujemo našu sveukupnu političku kulturu, da institucije koje mi predstavljamo zapravo to bude na način da su one otvorene za sve građane, da se mi borimo za interese svih građana našeg kantona i da se borimo za sveukupno unapređenje stanja i standarda življenja građana. Bez obzira na okolnosti, pripadnosti vjerske, političke i druge trebamo sarađivati i rješavati probleme naših građana. Moram priznati što se tiče Općinskog vijeća Maglaj, zaista smatram da je jedno od najaktivnijih u smislu dostavljanja inicijativa. Želio bih vam dati podršku da ojačate i nastavite ovako konkretno raditi, kao što ste do sada. Volio bih da u punom kapacitetu zajednički rješavamo probleme i nadam se da će se naša saradnja nastaviti“, kazao je predsjedavajući Duvnjak. Predsjedavajuća Općinskog vijeća Maglaj Svjetlana Zamboni kazala je da će Općinsko vijeće i dalje aktivno raditi u službi građana, te informirati ih o svim važnim pitanjima za općinu.

„Iskoristili smo priliku da govorimo i o gorućim pitanjima za naše građane, također veći dio razgovora posvetili smo svakako firmi Transey. Smatrali smo da kao predstavnici svojih građana imamo potrebu da ukažemo na problem koji se javio u zadnje dvije godine sa navedenom firmom, gdje se volja građana iskazana na Javnoj raspravi i Odluka koju je donijelo Općinsko vijeće nije poštovala. Tako da je ovo bila jedinstvena prilika da stupimo u kontakte i informišemo o ovom pitanju ljude koji bi također mogli iskoristiti svoj uticaj da pomognu u rješavanju, ovog, rekla bih vrlo složenog pitanja za općinu Maglaj“, istakla je predsjedavajuća Zamboni.

Na sastanku su istaknuta i pitanja koja se odnose na električnu energiju novošeherskog kraja, nelegalne radnje, te neslaganja lokalne zajednice sa određenim dozvolama i saglasnostima koje je kanton u ranijem periodu dao za gradnju.

(preuzeto sa www.maglaj.ba 22.6.2018)

Trening u Japanu “Upravljanje kanalizacijskim i gradskim odvodom”

Japanska agencija za međunarodnu saradnju, koja je razvojna agencija Vlade Japana organizira kurs pod nazivom **“Sewage and urban drainage management”**. Kurs se održava u Tokiju u periodu 3.10. - 17.11.2018. godine.

Ovaj kurs se nudi uredima centralnih / lokalnih uprava, općina ili javnih ustanova vezanih za pročišćavanje otpadnih voda, kanalizaciju i odvodnju oborinskih voda. Broj mjesta je ograničen. Potrebno poznavanje engleskog jezika. Rok za prijavu je 15. juli, 2018.

Ukoliko ispunjavate uslove navedene u brošuri i želite se prijaviti, možete kontaktirati Ninu Bejtć Rasinlić, JICA Sarajevo office, Bistrik 9, 71000 Sarajevo, Bosnia and Herzegovina Tel: [+387 33 220 190](tel:+38733220190); Fax: [+387 33 220 192](tel:+38733220192); jica.bh@bih.net.ba

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Japan International
Cooperation Agency



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na

YouTube

Pratite Savez općina
i gradova FBiH na

g+

facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I GRADOVA ZA MJESEC JUNI/ LIPANJ

- 02. juni/lipanj - Dan Općine Gračanica
- 14. juni/lipanj - Dan Općine Novi Travnik.
- 16. juni/lipanj - Dan Općine Konjic. Ovaj dan je značajan za Konjic jer predstavlja sjećanje na prvo pisano spominjanje imena Konjic iz 1382. godine.
- 19. juni/lipanj - Dan Općine Živinice. Toga dana 1959. godine odlukom Narodne skupštine NR BiH Živinice dobijaju status općine.
- 21. juni/lipanj - Dan Općine Srebrenik.
- 24. juni/lipanj - Dan Općine Vogošća



Gračanica



Novi Travnik



Konjic



Živinice



Srebrenik



Vogošća



NOVI TRAVNIK

